

職方典第七百二十卷

常州府部彙考十四

常州府古蹟考一

通志縣志合載

本府

武進縣附郭

晉陵縣治舊在內子城西南化洞橋唐景德元年淮南楊氏展築羅

德祐乙亥兵燬元至元遷狀元坊內至治初又遷明倫坊內明洪武初廢

舊武進縣在干

秋鄉去今縣西北八十里晉大康中析曲阿丹徒二縣地置梁天監元年改蘭陵縣隋開皇九年併入曲阿唐武德二年卽故蘭陵地復置武進縣貞觀八年併武進于晉陵垂拱三年復分置僞吳同光間江盜旁午民不安居遂徙入郡城金斗門外

南蘭陵郡晉太興元年江北

亂離于舊武進僑置郡以占流寓梁天監元年以京口之南東海爲蘭陵郡郡遂廢

蘭陵

城在阜通鎮西南齊四世祖淮陰令蕭整僑居之地按萬歲寺舊有僞吳天祚中石刻云寺西去蕭梁帝祖宅三十里東城村初名皇基更名皇業寺後百七十五步卽城也

東城天子

路路在萬歲鎮西舊傳秦皇所遊或云孫氏舊蹟宋明帝時訛言東城天子出其後建安王休仁鎮東府帝懼殺休仁而閉東府不居又屢幸以壓王氣又使子安成王代之及蒼梧王敗安成王代立咸言爲驗乃其應則齊高祖實居此村也宅南有桑一本高三丈旁出四枝若華蓋幼戲其下從兄敬宗曰此木爲汝生後竟貴顯云先是王子年歌曰欲知其姓草蕭蕭穀中最細低頭熟鱗身甲體永興福上二句言姓名太祖體有龍鱗斑駁成文始謂是黑癩治之而文愈明故歌及之子年名嘉晉時人也 萬歲街卽阜通鎮梁武帝故里 寶誌寺基卽梁

武帝舊宅後爲寺今有井大旱不竭云誌公井 伯牙瀆相傳伯牙寓此鍾期死棄琴瀆中

瀆產琴魚弦徽皆備舊志云瀆北流入江今久塞琴魚亦絕產矣 鍾村在伯牙瀆北相傳

鍾期所居今其地猶多鍾姓云 伯牙琴堂在伯牙瀆西大悲菴中一望空洞遊者頓足拊

手則音韻鏗然若琴聲焉 金牛臺在奔牛鎮輿地志云漢時有金牛出山東石池至曲阿

人柵斷其道牛驟奔故名四蕃志云萬策湖中有銅牛人逐之上東山入土窟走至此柵今柵

口及堰皆以此號東坡有臥看古堰橫奔牛之句宋元嘉末竟陵王誕遣參軍劉季之與顧彬

之敗元凶邵將華欽等于曲阿之奔牛塘泰始二年建威將軍沈懷明東討孔顛至奔牛大破之齊高帝嘗與蕭順之共登金牛臺見枯骸橫道曰文王以來幾年矣當復有掩此者乎言之凜然色動 星月池在奔牛巡檢司池及半畝天色清明晝見星月明嘉靖末年漸爲居人

填塞

陳氏書樓在奔牛鎮壩口梁武帝微時與陳文表讀書相善帝卽位授表廉州司戶

表願還鄉教讀勅建陳氏書樓明洪武時修葺嘉靖乙卯兵燬遺址尙存

回龍橋在鎮東

巷後百步梁武帝嘗至此返駕故名

慶亭在縣西五十里與丹陽分界韻書注吳中亭名

孫權射虎傷馬地晉顧眾與蘭陵太守季閔于此拒守逆擊賊將張健卒平之隋楊素嘗遣勇士麥鐵杖覘江東反賊擒縛行至慶亭衛者哀其困解手以給飲食鐵杖取賊刀殺衛者皆盡

素大奇之按庾信詩鄧亭一回望風塵千里昏注鄧亭吳大帝所憇後人建亭在晉陵楊升菴外集注鄧當作御唐王維詩去問珠官俗來經石蛇春東南鄧亭上莫使有風塵今鄧亭無可考意卽此亭乎 離宮隋大業十三年集十郡兵匠數萬于縣東南創宮苑周圍十二里涼

殿四一曰圓基二曰結綺三曰飛宇四曰漏景環以清流蔭以嘉木又做洛陽西苑環十有六

宮于夏池左曰麗光流英紫芝凝華景瑤浮綵舒芳懿樂右曰采璧椒房明霞朱明翼仙翠微層城千金迴廊複閣飛觴激水工伎精巧丹碧絢麗未及臨幸尋盜起莽爲丘墟今夏城遺跡隱然尙存 茶山路在縣西南廣化門外十里內墩阜纍纍有山形焉唐末湖常二守會陽

羨造茶修貢由此往返故名時常守爲李栖筠有僧獻茗陸羽謂其香冠絕也 閩闔城

在城裏村今廢 廟墩在孟春橋相傳墩下井水泛溢晉陵無錫縣吳許二令自投井中屍

從勝力橋浮出因祀之墩上今廢一傳吳許以陽湖泛溢赴水死 丞相基在下浦地多陸

氏云宋丞相陸秀夫居此秀夫京口人豈世亂避此耶 青墩墩有二相傳一爲唐初梁王

之墓大可八畝爲前青墩一爲沈法興之墓大可二畝在豐西鄉謂之青墩者以其稱此土蒸

而封之本名稱墩音相近故訛之耳明正德間民有向此假借器用者以酒醑地書詞焚之果

出器于上其人用過還之忽不見如是者歲餘後有損壞不還者自是借不復出矣毛氏世居

于此鄭光祿有傳 避暑宮在內閩灣世傳吳王閩闔構宮避暑于此今其井猶存 試

劍石在盟頂山左相傳吳王試劍石分爲兩 伍子盟頂在張青灣之巔相傳子胥誓師處

境會亭在茶山路湖常二守造茶修貢會此

胥城在上店四蕃志云子胥伐楚時築此城

爲軍壘

沸井在縣西六十里季子廟前不詳何時開齊建元元年井北忽有金石聲掘二

丈得泉復有聲又掘得泉泉中得木簡長一尺廣二寸隱起文曰廬山道士再拜謁木堅白字

色黃延陵令戴景度以聞于是並鑿爲井今尙有四二清二濁騰湧驚沸晝夜不絕旁有唐武

進簿趙用晉賽雨紀石文今隸丹陽縣境

淹城俗爲奄城其城三重周廣十五里壕塹深

闊今外城多圯內壕亦湮矣惟內城中城屹然而中壕外壕廣可十五丈深亦不減三丈父老

相傳水涸時斲得朽木可以宿火或云吳王囚越質子處故有淹留二城按越絕書吳地紀云

毘陵城南十八里故城古淹君地也東南大塚淹君女子所葬越絕爲漢人袁康撰其書近古

似可據以理測之卽商末之奄君周逐之而來居此

留城在淹城東五里城之大僅準淹

城之內城士人吳姓者構菴祀觀音大士于其中長松森鬱甚可愛也

游塘營在縣西南

十五里明鄂國公常遇春攻常州駐軍于此亦名牛塘谷其中墩埠大小相錯林木盛時如山

谷也一云在夾山牛塘谷又云在橫林牛塘橋未知孰是

靈石在占石村古祠前形如柱

微露于地舊傳有取之者風靈大震遂止或云詹石二姓卜居訛此名 丹井在太和觀前

每歲賽東嶽會時迎東嶽像來觀中像上殿升降井水隨之深淺遠近異之 神墩墩可望

茅山唐中丞登此有詩 姬墩在神墩南三里 大姑城 小姑城潘令經云在縣西

南六十里 臥冰池舊志謂在瀟湖西孝感瀆爲王祥臥冰得魚之所又宅在尙宜鄉爲母

舍建道院按本傳祥瑯琊人漢末扶母攜弟覽避亂廬江三十年至晉拜太保未嘗至毘陵但

其孫俊嘗封永世侯永世孫嘗居毘陵覽孫導顯于江左子孫往往居此追慕祖德故以臥冰

名池孝感名瀆也宋學士薛極故居 舜峯俗名舜過山相傳有虞氏東巡駕歷此有舜水

舜廟舜井舜田 獨孤檜檜有三皆獨孤太守手植一在郡後圃一在古紫虛宮舊址後爲

丁氏球川亭一在忠祐廟宋末猶存元末燬於兵明謝應芳補植久之亦廢邑人唐鶴徵又補

植四株於廟下今尙存 榮賜亭在狀元橋西南宋大觀三年合試天下貢士獨毘陵五十

有三人上賜褒詔有曰進賢受上賞蔽賢蒙顯戮苟依常格推恩非古人上賞之意其知州教

授特與轉一官郡守徐申立坊于橋南名進賢建亭曰榮賜以侈其盛 四老堂宋叅知政

事張守建卽今客園

天遠堂宋蘇軾寓自題在今客園

烏沙尖在興賢巷北郡城舊

傳有三尖皆文筆也八字白雲并烏沙爲三烏沙旣塞八字復因改河鑿去惟白雲尖僅存

宿鳳亭在外子城東北隅興賢巷北亭前古柏蒼翠郡守史能之建取杜子美香葉終經宿鸞

鳳句爲名今廢

臨川里以王伯慎自臨川來居此今坊額尙存

異僧心經碑舊在關

帝廟西房順治初年西房毀道士邵維靜移寘正殿後壁間字狂怪奔放而不失草法最爲奇

觀邑人唐順之跋

不濁堂在宣嘉堂南面池水宋紹興丙子知縣曹靈所名

極高明

樓舊在外子城上宋乾道初郡守葉衡建名靜遠楊誠齋有犯雪來登之句嘉定間郡守史彌

愈更名高爽淳祐八年郡守李迪更名景鄒以仰止道鄉先生故名咸淳二年郡守家鉉翁更

名極高明今譙樓卽其址也

洗馬橋在迎春橋南祥符經云隋陳司徒洗馬于此今街心

僅存橋形

宣嘉堂在廢晉陵縣廳事東宋志云大觀間令李景得古甃有篆文曰位至公

卿功冠天下令名宣揚萬姓嘉昌字畫奇古時堂初建取二字以名

見山亭在舊崇勝寺

前與東山相望故名

都酒務宋置在金斗門外街東

稅務元稅務有五城以內在花

橋東今廢 如春樓在大市舊名和旨一名最高即官酒坊唐時賜酺處杜審言有和晉陵

陸丞早春遊望及大酺詩宋末廢 花月樓在元豐橋東今廢 肺石在東排灣八字尖

謝子蘭有賦明萬曆間穿八字尖河遂失所在 比較務在新坊橋北宋政和間置 荆

溪館舊名毘陵驛在天禧橋東枕漕渠以通荆溪故名宋紹興末高宗親征金亮車駕幸金陵

往返皆次焉久廢 使星亭在天禧橋之東西行衙之左 弭節亭在使星亭東久廢

西行衙舊在天禧橋東荆溪館西宋建元廢 毘陵地在天禧橋南舊傳地方丈餘盛雪不

積豈一郡温厚之氣所聚與 東山亭在荆溪館對河唐大曆中獨孤及守郡建貞元八年

刺史韋夏卿記 白雲亭舊在天禧橋西今廢 如歸亭舊名觀風在朝京門內今廢

合同場在天禧橋西宋政和四年詔行茶引法始置今廢 都稅務宋置在元豐橋東

平准務宋置在都稅務西 春熙樓在西門城上明宣德六年知縣莫愚建今廢 懷李

樓在朝京門上明正德間知府王教為前知府李嵩建 留瓠堂在德安門內明天順間徐

璣所居璣嘗遇一道士奉之甚虔時璣方貧道士以囊留其家而去逾年返復面納金若干於

囊而去獄凡數年未嘗一解其囊也道人義之投一瓠而別曰冬來無蔬剖而食獄如其說剖之得醫方一卷或曰扁鵲鏡經試之無不神應遂致大富名其所居之堂曰留瓠堂獻死失其書 天慶觀畫龍在寥陽殿壁題曰姑蘇道士李懷仁筆世傳懷仁酒豪嘗呼龍松江上狎而觀之以此畫入神品是日大醉睨殿壁索墨汁數斗曳帚裂袂號呼奮擲雙龍立就觀者辟易懼將攫焉 徐友畫水在彌陀殿壁郡人徐友畫清濟貫河一筆起西北隅縈繞數十丈

却立諦視疑若飛濤之騰湧

丹井在天慶觀藏殿舊傳漢天師授丹于此今湮沒

表

忠廬在陳閣學墓側閣學子嘉會築一楹棲臥以志孝感謝子蘭題名

薛將軍故居在內

閩灣將軍元人善兵屢却寇亂明正統間民墾基得兵器火藥云

悠然亭在內閩灣元山

人錢士元建取陶詩悠然見南山意趙松雪作記今廢

白蓮池在祥符寺池產螺無尾舊

傳山人食螺斬尾將烹之寺僧憐而鬻焉遂成此種有移之他水者久之復還池中

菩提

樹在祥符寺聞種自異僧枝葉皆西向

山茶花在耿灣高僅六七尺大可徑寸四時爛熳

父老云在林麓已不記年蓋異種也今尚存

香樟樹在雁門灣圍丈許高四丈陰可十餘

畝香聞數里 青城宋高宗宿帳也今有青城菴 顧坡在化被王廟旁顧凱之無錫人

博學有才氣尤善丹青為虎頭將軍相傳往來郡中常憩此或云凱之宅也 水竹居在保

寧寺東偏明正統間僧碧元構 胡氏山堂宗愈歸老作堂橫山名曰橫山堂孫觀寄題有

環城千嶂合並舍百泉通之句 高氏父子泉在芳茂山大陵菴高紳蚤歲寓橫山沖虛館

味泉極甘謂可比慧山太平興國中以太常少卿出宰故里章聖時命其子夷直為尉俾就養

焉首訪是泉廢已久至是復騰湧郡駕董黃中作詩序其事名高家父子泉時天聖三禩也

丹井在沖虛觀殿內梁王八百修道後以煉丹後仙去 金雞洞在雞籠山麓世傳有金雞

浴于此 劍井在縣東十五里風土記云葛仙翁駐鶴地或云仙翁負劍過此劍躍入河嘗

有白氣互天如虹 艤舟亭在今文成壩東東坡至常繫舟處與地名蘇步之意同 光

華亭在通吳門內街北與艤舟亭對 贍軍務在天寧寺後宋紹興間置乾道間并入都酒

務 窰務宋置在通吳門外明仍之居人取土為磚掘地多過古塚樞朽則棄骨而薪樞佳

則棄骨而售屢禁不止且郡城東門外為城之震方文筆峯所在法宜高聳龍氣攸關

皇清順治十三年郡紳請于當事買丁堰下塘空地以徙置焉

造船塲宋置在迎秋門外

菱草塲在青山門外

桃原在城東新城壕高阜處春時桃花盛開延袤數里遊者擬武陵

焉

謝子蘭樵舍子蘭有自書潞城樵舍壁詩四首

海子口在郡城朝京門外三里運

河中歲旱水涸見巨木橫互河底鄉人稱爲海眼又名海子口

傳洛城一作博洛城祥符

經云傳洛丹陽志季子北廟在城西今通江鄉傳莊疑卽此地

廢利城縣治按晉書元帝

卽海虞縣北境立利城縣以占流徙宋元嘉中遷利城于武進之利浦

醴城在縣北三十

里

郭坡晉郭璞避地東南過江葬母于暨陽去水百步或以瀕流告璞曰卽爲陸矣其後

沙漲環墓數十里悉成桑田璞嘗來毘陵窮極丘壑相傳邑有鈴記皆璞識故縣北三十里有

郭坡暨陽今屬江陰

二城在縣東北二里一方一圓東西對峙或云虎城或云鼓城今遺

址尙存

韓城四圍方正南有關門北近諸廟皆謂韓王舊傳五季亂離常築堡衛鄉里

九里在德澤東界宋明帝時孔顛自會稽謀逆齊高帝率軍東討與張永等對壘結營摧破賊

柵曇瓘敗走

孝義里在通吳門外梁孝子余齊民所居宋避熙陵諱改曰孝仁卽以名鄉

無錫縣

太伯城在縣東南三十里梅里鄉吳越春秋太伯當殷之末恐中國侯王用兵以及荆蠻故起城周三里二百步外郭三十餘里在吳西北隅曰故吳墟自太伯以下二十三君皆都此實字記太伯城西去縣四十里平地高三丈吳地記吳築城梅里平墟城內有宅舊址及井猶存亦名吳城 闔閭城在縣西南五十里富安鄉越絕書伍員取利浦及黃濱土築闔閭城吳地

記闔閭城周敬王六年伍員伐楚還運潤州利湖土築之不足又取黃濱土爲大小二城當闔閭伐楚回故因號之按闔閭大城在今蘇州府去潤四百里無錫去潤亦三百里取土不應如是之遠小城在縣富安鄉者地名闔江邊湖其城猶在土人至今有城裏城外之稱而縣東梅里鄉本有利浦及黃濱蓋取土梅里以築闔江之小城或有之耳可以正吳地記之失 范

蠡城在縣西十里開原鄉吳地記在歷山之西今謂之斗城城址猶在輿地志歷山西北有范蠡城越伐吳范蠡所築 西施莊在縣東四十里宅仁鄉吳地記范蠡獻西施於吳故有是

莊 專諸塔在婁巷如浮圖形高丈餘龕其中而置主以祀焉不詳其始作或以專諸刺王

僚而死因葬于此

鴨城在縣東南二十五里秦伯鄉輿地志吳王牧苑鴨之地今梅里鄉

亦有鴨城又有麋城去鴨城不遠其跡無所考以鴨城推之當是秦麋鹿處

黃城在縣西

開原鄉史記楚考烈王元年以黃歇爲相封爲春申君賜淮北地十二縣後十五歲歇言于楚王曰淮北地邊齊其事急請以爲郡便因并獻淮北地請封于江東考烈王許之春申君因城故吳墟以自爲都邑實字記黃城去縣十二里今歷山下有春申君祠去城三里故道通此黃城按黃城與斗城相近俗因呼黃斗城 龍尾陵道越絕書春申君徙封開此道以屬本邑

後漢地理志無錫侯國註縣西龍尾陵道春申君封吳時所造今龍山北尾有路是也 春

春

申澗俗稱黃公澗舊傳黃歇徙封江東城故吳墟澗其飲馬窟云每山雨時注飛湍自峻嶺爭道而下經愚公谷至寺門頃刻四五尺少年褰裳跣足衝亂流逆上勢若奔馬澗旁舊有春申祠頗走巫祝後改爲土神也 甘羅故宅相傳保寧寺是其地在興寧鄉寺前故有甘蕩明

初猶有甘之子孫居其左右其旁則有齊光祿大夫王琨墓舊志相沿不知所考

梁鴻井

在鴻山東嶺初鴻適吳史不言其曾留無錫故向謂山本名皇其音轉而爲鴻未必以伯鸞之

故而名然鴻既適吳定營居此遺井具在斯爲可據史之所無何必非蹟之所有耶 御亭

吳大帝時置在縣東南五十里望亭市風土記隋文帝置市及堰號望亭堰寶宇記開皇九年置爲驛十八年改御亭驛唐李襲譽改爲望亭驛宋天聖中以爲鎮置官署嘉祐間開河通太湖乃廢堰 右軍別墅在縣治西北洛社市卽今開利寺趾是也有池二名滌硯觀鵝者乃後人傳會爲之 湛長史草堂宋長史湛茂之讀書地宋劉鑠齊江淹皆有過湛長史歷山

草堂詩歷山卽惠山也唐侍御史丘丹爲湛舊居記同時臯夏卿輩皆有詩刻石其故址今爲惠山寺 華坡在惠山寺之東偏南齊華孝子寶所居今有孝子祠 蕭莊在縣東四十

里宅仁鄉梁蕭侍郎別墅卽今膠山寺故址 李相讀書臺在惠山寺左唐李文蕭公紳未

貴時讀書于此後因置臺爲元志云小徑縈迴繪像其中今則無有矣 錫麓書堂在秦皇

塢下宋尤文簡公袞讀書地初因文昌祠結廬數椽雜植竹柏于四垂而不事華飾終袞世歷

四傳七十餘年無所改易又有遂初堂始於袞從祖文獻公輝初名依山後改今名宋崇陵嘗

手書遂初二字以賜中藏書三萬卷所傳公退手抄與其子弟諸婢不得暫輟者咸萃焉後稍

廢毀至六世孫玘仕元歸盡復舊業起重樓樹名花爲都人遊觀之地後燬于火而藏書亦無存焉 雲龍小隱宋蔣忠文重珍別墅在龍尾陵道今廢不可考 梅坡在寶界山宋彭

城錢紳居無錫旣謝知州而歸遂隱于此又得泉于巖下名之曰通惠至明王僉事問卽其地

建湖山草堂稱名處

繡嶺亭宋光祿滕中元作卽聽松菴故地初名照山花木繁若錦繡

故名

一梅堂宋嘉定中蔣忠文重珍致仕歸築堂于胡埭中有萬竹亭皆自爲記

清

闕閣在縣東南梅里鄉之祇陀里元高士倪瓚故居旁列碧梧奇石設古尊彝鼎法書名畫其中非楊維禎張雨諸人不得至焉他有雲林堂朱陽館之屬以清閟爲最勝其名至外國使臣皆知之 王舍人畫壁在聽松菴明王紱嘗病自寓菴之秋濤軒旣愈圖廬山景于軒之

左壁黃少保淮乃作長歌題于其右時有竹工至自吳興因造爐式使編竹爲之高不盈尺圓上方下類道家乾坤壺而規制精密于是時之名士皆爲題咏并圖畫以傳凡爲二軸後壁燬于火唯竹爐卷猶存邵文莊寶嘗記其流傳之始末甚詳 碧山吟社明景泰末邑諸長者

共爲觴咏之會其地闕于秦修敬旭會凡十人李綱菴庶年八十有六旭少一歲焉陳遜菴履

八十有三陸竹石勉少履一歲高梅菴直七十有九黃杏軒祿七十有三楊聽玉理少祿一歲
陳玉溪懋六十有九施博野廉六十有一惟喬玉林緒未六十最少諸君重其人援以入焉時
際承平人皆大雅時則有陳秋林勉歸自工部盛冰壑頤歸自都臺旭子中齋夔歸自江藩聞
一至會不在恆數于是巡撫王端毅懇聞而求造焉沈啟南周爲之圖以傳其事人如洛下蹟
擬西園其地則惠山之陽二泉之南門署碧山堂名十老又有濯纓之亭涵碧之池芙蓉之徑
古木之陂今其詩卷具在而遺構已墟十老後六十年旭曾孫瀚修復之因與顧憲副可久王
儉事問華學士察王侍御瑛賦詩其中風流再嗣非復布衣自是未有興者 小心齋顧端
文憲成讀書處在涇里旁有同人堂月集諸從游者會焉其人則史孟麟丁元薦夏臺卿安希
范尹嘉賓繆昌期錢士升錢謙益馬世奇吳鍾繼又張可大以武人來受業後卒死登萊之難
水居在五里湖之濱高忠憲攀龍築廣袤不數十步菱荷之池四匝通以小橋池外爲隄隄外
爲湖而漆塘軍帳諸峯始沿洄錯列于其上忠憲筮仕行人卽抗疏歸棲遲于此者垂三十年
自言几席湖山衣被風月飲食圖史皆此地也其右曰可樓前曰月坡每日晚漁舟數百環衛